



Illes scolarets ein sepresentai el til sco «Musica Mini-Aspermont». Dretg las mussadras Riccarda Congo Camenisch e Maria Camenisch. Davostier ves'ins il cusseglier guvernativ Martin Jäger.



La cumpignia da mats ha representau l'uniun da giuventetgna. Illes mats cun lur munduras franzosas han dau in special bi colorit al til festiv.

FOTOS A. BEELI

# Tuns, colurs e bia buna luna

Sagogn ha commemorau il giubileum da 50 onns da sia musica

DA AUGUSTIN BEELI

■ En ses 50 onns d'existenza ha l'Uniun da musica da Sagogn menau numerusas gadas in til festiv atras il vitg. Dumengia vargada ei quei puspei stau il cass. Quella gada ha la populaziun engraziu alla musica per ses numerus survetschs cun ina gronda ed originala participaziun al til da giubileum. Cu la musica da Sagogn seigi vegnida fundada aravien ils purs aunc cun bos, targevien ins ils pons-fein da clavau en e la mumma fagevi sil pli ina gada il meins paun-casa, ha il manager da cultura *Martin Mathiuet* manegiau en siu plaid. Il menader dil CCM a Laax ha tratg in lartg artg denter la fundaziun dalla musica da Sagogn ils 1961 ed il temps modern. «Co il mund, nies mund, ei semidau en quels 50 onns», ha el fatg persenn enviers igl auditori ella tenda da fiasta amiez il vitg da Sagogn. L'idea e l'impurtonza dalla musica dil vitg seigien restadas, ellas hagian ed havevien effect positiv sil singul e silla cuminonza, ha *Martin Mathiuet* manegiau. Quella cuminonza han ins sentiu specialmeins en connex culla fiasta da giubileum ch'il comite d'organisasiun cun *Enrico Arpagaus* alla testa haveva preparau. Mintga casada dil vitg e bunamein tuts 660 habitonts dalla vischnaunca ein s'engaschai en ina moda ni l'autra per quella fiasta.

Punct culminont ei il grond til staus. Dumengia han tuttas uniuns e gruppa-

ziuns dil vitg rendiu honor alla musica. En biaras uras da preparaziun haveva l'uniun da dunnas cun sias bunamein 60 commembras semtgau in solver da purs genuin. Illes chors-baselgia reuni ed il chor viril cun tschunconta cantaduras e cantadurs han embelliu musicalmeins igl eveniment dalla dumengia endamaun. Suenter gentar ha in pievelun da lunsch e da maneivel assistiu al til atras il vitg. Pign e grond, carschi ed affons, han giu tschaffen da sepresentar sco gratulants all'uniun giubilonta. Illes carrs orna il dils catschadurs e pescadurs, dalla Pro Sagogn, dall'uniun da traffic, lu las gruppas dallas uniuns da gimnastica sco era illes treis chors dil vitg, vinavon il club da cuorsa liunga culs curriders giuvens, illes affons da scoletta ed illes affons pigns cun lur mummas han dau il maletg autentic d'ina vischnaunca vitala ed activa. Denter illes hospes e gratulants han ins engartau il schef dalla cultura grischuna, cusseglier guvernativ *Martin Jäger*, lu cusseglier naziunal *Sep Cathomas*, illes presidents comunals dallas vischnauncas vischinontas *Toni Camathias*, Laax, *Silvia Casutt*, Faler e *Bruno Wellinger*, Schluain.

A caschun digl act festiv ella tenda ha giu liug la honoraziun dils veterans dall'Uniun cantunala da musica dil Grischun. Siu president, *Robert Casanova*, ha gratulau a nov veterans cantunals per 25 onns commembradi activ en ina societad e siat veterans federals per 35 onns commembradi (mira scaffa).



Illes veterans cantunals e federals sut las bandieras sgulatschontas. Els ein dapi 25 respectiv 35 onns commembrs activs da musicas grischunas.



Illes fundatur che han fundau avon 50 onns l'Uniun da musica Sagogn, ensemen culs dirigents e commembrs d'honor. Davontier *Silvio Lechmann* che ha dirigi 22 onns la musica.

## Undrientscha da veterans

### Illes novs veterans cantunals

25 onns musicant activ:  
Cadalbert Marcel, Societad da musica Lumbrin; Seiler Bernhard, Societad da musica Breil/Dardin; Casanova Gion, Societad da musica Vignogn; Caduff Silvia, Musica Sonora Vella; Joos Rico, Societad da musica Flem; Schuoler Alexa, Societad da musica Mustér; Roffler Jeaninne, Societad da musica Zizers; Orlik Helen, Societad da musica Zizers; Müller Vreni, Societad da musica Zizers.

### Illes novs veterans federals

35 onns musicant activ  
Capaul Martin Giusep, Societad da musica Lumbrin; Capeder Giusep, Societad da musica Lumbrin; Camartin Mario, Societad da musica Breil/Dardin; Lerchi Conrad, Societad da musica Flem; Spreiter Konrad, Societad da musica Flem; Schmutz Martin, Societad da musica Zizers.



Illes commembrs dalla secziun Vorab dils catschadurs han gratulau a lur moda: Els han creau e menau tras il vitg in carr autentic cun animals empagliai e trofeas.



In gratulant special: L'uniun Pro Sagogn ha priu in veritabel e viv sogn Columban el til. Dasperas in sogn Columban «modern» culs bastuns da golf.